

tuæ natalítia cólimus ⁊ per ejus ad te exémpla gradiámur : Per.

In j. Vesperis Memoria S. Ægidii Abbatis.

Oratio.

INTERCESSIO nos, quæsumus Dómine, beáti Ægidii Abbatís comméndet : ut quod nostris méritis non valémus ⁊ ejus patrocínio assequámur : Per.

DIE II. SEPTEMBRIS.

S. STEPHANI REGIS, CONFESSORIS.

DUPLEX.

Oratio.

CONCEDE, quæsumus, Ecclésiæ tuæ omnípotens Deus : ut beátum Stéphanum Confessórem tuum, quem regnántem in terris propagatórem hábuit ⁊ propugnatórem habére mereátur gloriósum in cælis : Per.

DIE III. SEPTEMBRIS.

B. GUALÆ EPISC. CONF. ORD. PRÆD.

DUPLEX.

Oratio.

DEUS, qui, ad plebem tuam in pace et pietáte firmándam, beátum Gualam, Confessórem ac Pontíficem, singulári grátia decorásti : ejus nobis intercessióne concéde ut pacis stúdia operóse sectántes ⁊ úberes pietátis fructus percipiámus : Per.

DIE IV. SEPTEMBRIS.

IN OCTAVA S. AUGUSTINI.

SOLEMNE.

AD I. VESPERAS.

Capitulum, Hymnus, V., Antiphona ad Magnificat et Oratio ut in j. Vesperis Festi.

AD II. VESPERAS.

Omnia ut ad ij. Vesperas Festi, servato modo diei Octavæ Solemnis.